



BIBLIOTHECA  
UNIV. JAGELL.  
CRACOVENSIS

40871

St. Dymki

P

inkomp

Biblioteka Jagiellońska



stdr0004314



40871

*Mag. St. Druk*

DE REFORMATIONE  
RELIGIONIS  
CHRISTIANÆ  
Per Ministros Euan-  
gelicos introducta  
DELIBERATIO.

*A Studiosis quibusdam iuuenibus ex  
Dania & Noruegia Regis extra Pa-  
triam literarū gratia, degentibus.*

Proposita Professoribus Academiæ  
Hafniensis, Anno. 1602. 1. Oct.

*Editione hac secunda in titulos  
& capita distincta.*



Permissu Superiorum.

CRACOVIAE.

EX OFFICINA Nicolai Lob.

M DC VI.

¶ 80  
*TYPOGRAPHVS LECTORI.*

**Q**uid deliberatione ista contineatur  
 candide Lector. ex serie capitum  
 libelli huius colliges, quorum summa  
 mox ponetur post præfationē. Tu lege  
 & expēde singula, inuenies plus quam  
 æquam esse huiuscemodi consultatio-  
 nem, facileque illud simul cognosces,  
 prætensam istā Reformationē, minimē  
 à Spiritu sancto profectā. Neque enim  
 id quisquam instituit, quod vel Iustitiæ  
 ipsi repugnet; vel Schysmatum sit in  
 Ecclesia Seminariū; vel cū tam violenta  
 conuulsione populi Christiani coniun-  
 ctum; vel tot pessimis attribus, tum calū-  
 niādi, & doctrinā ipsam maiorū, & pri-  
 mos eius pastores, tū scripturas ipsas sā-  
 cras deprauandi, imbutū; vel quod post  
 tot demū sæcula nouam doctrinā inue-  
 hat; eamq; & totā inconstantē, & plurib;  
 antiquis heresibus aspersam, & infinitis  
 nouis erroribus porā aperientē; vel qd  
 deniq; ex quo semel capit, per omnia  
 profecerit in peius. Quæ tamē vniuersa  
 simul in Reformatione ista reperire da-  
 tur. Interim vale, & ita delibera vt ve-  
 ritatem assequare ac conlectere.

PRÆFA-

40877.7

## P R Æ F A T I O.

**C**ONSULTATIONEM hanc nostram, piè Lector, superioribus annis doctissimis Præceptoribus nostris Hafniensis Academia Professoribus misimus, rogantes, ut, pro singulari sua sapientia, salutare nobis consilium impertirentur. Eam à quibusdam interceptam fuisse cognovimus, et nō tantum responsum interea nullum retulerimus; sed etiam, ob eandem, Sereniss. Regem nostrum interpellatum, querelasque de nobis, aliisq; viris bonis, & de iuventute bene meritis, depositas fuisse intelleximus. Ne itaq; quisquam aliud in ea contineri suspicetur, quàm quod ab omnibus legi & sciri velimus; neque quisquam arbitretur sine iusta causa nos de religionis reforma-



tionem ab Evangelicis facta, suspitionem mouere: epistolam nostram, cum bona Dominorum Professorum gratia, immo laude, typis commendandam duximus. Hoc sicut illis minimè ingratum fore existimamus, Et hac ratione citius nos optatum responsum impetraturos speremus; ita deliberationem nostram tam instam, minimè à quoquam vitio nobis vertendam confidimus. Pium autem Lectorem rogatum volumus, ne ante rem bene perspectam, de causa nostra grauitus aliquid statuere velit; sed responsum doctissimorum Virorum nobiscum, tanquam de communi causa, expectare non grauetur. Nam si difficultatibus satis fecerint, etiam nos non inuiti cedemus, Et cum reformationis istius auctoribus atque fautoribus in gratiam redeamus.

INDEX SEV SVM-  
marium Capitulū huius li-  
belli & deliberationis.

**C**ausa deliberationis huius in-  
stituta, quæ bipartita propositi-  
one concluduntur. Cap: 1

PRIMA PARS Deliberationis.

*Quid de Maiorum fide ac religi-  
one inquirentes extra patriam in-  
uenerint.* Cap: 2

*Quid contra de Auita Religionis  
Reformatione ab Euangelicis facta  
inquisierint, inuenerintq;* 3

1. Quod reformatio ista à priuato  
monacho amulatiōe permoto, con-  
tra ordinē Iuristam diuini quā  
humani, introducta fuerit. 4

2. Quod per secessionem & Schisma  
in Ecclesiam inuecta fuerit. 5

3. Quod magnā vim tum Ecclesia

*ipsi Deitum Christianis Regnis intulerit.* 6

4. *Quod malis artibus Variis instituta profecerit.* 7

*Ars prima Reformatæ religionis mala, calumniis Variis Maiorum doctrinam denigrare.*

*Calumnia in Doctrinam auitam*  
*Sedecim.* 8

*Ars secunda, Calumniis Variis summū Ecclesiæ pastorem traducere.*

*Calumnia tales 4.* 9

*Ars 3. Scripturas ipsas sacras Variè, Vel corrumpere Vel mutilare.* 10

5. *Quod Reformatio ista, non t in auitam fidem reformatit, quàm nouam doctrinam inuexerit, eamq inconstantem, Variis haresibus antiquis aspersam & omnibus nouis erroribus portas aperientem.* 11

*Quod nouā doctrinā induxerit. 12*

*Quod*



# INDEX

*Quod inconstantem.* 13

*Quod antiquis heresibus aspersam.* 14

*Hereses antiqua 16. per Reformationem istam innouata.* 15

*Quod omnibus erroribus nouis portas aperientem.* 16

*6. Quod ex ista Reformatione omnia in peius profecerint.*

## SECUNDA PARS DELIBERATIONIS.

*Deprehensa fraude prætensa Reformationis, quid de Veritate inquirenda deliberarint. Cap:* 17

*Semper esse Veritatem Dei in terris.* 18

*Semper Veritatem Dei in Ecclesia spectabili inueniri.* 19

*Nullam esse in terris Ecclesiam præter Visibilem, eidemque omnes promissiones quæ ad Ecclesiam per-*

*A 4*      *tinent*

# I N D E X

*tinent esse factas.* 20

*Respondetur ad contraria.* 21

*Concluditur securissimè ab Ecclesia Catholica Veritatem peti si errare nolumus.* 22

*Quæ Videatur hoc tempore Ecclesia Dei Catholica, à qua sit Veritas petenda.* 23

*Cōclusio totius Deliberatiōis.* 24



# STVDIOSI

## REGNORVM DA-

## NIAE ET NORVEGIAE

*Extra Patriam per diuersas Vni-*  
*uersitates studiorum gratia disperso*

*Doctissimis Hafniensis Acade-*  
*miae Professoribus S. D.*

### C A P. I.

*Causa deliberationis huius institu-*  
*ta, qua bipartita propositione*  
*concluduntur.*

**E**T SI turpe videtur, Viri  
ornatissimi, Christianum ho-  
minem fidem suam in dubium  
vocare; parumque prudentis vi-  
ri existimatur, de fide questionem mo-  
uere, quae ipsa hesitatione deperit, &  
evanescit: quia tamen in hoc calami-  
tosem saeculum incidimus, quo, Ma-  
iorum fide vndique oppugnata, tot de

A 5 religione

## *De Reformatione*

religione introducuntur quaestiones, & quocunque nos vertimus, tot obtruduntur reformationes inter se dissidentes, ut nullus modus novorum dogmatum futurus apud eos videatur, qui semel auram fidem reformandam susceperunt: in eorum nos sententiam descendere tandem coacti sumus, qui suadent, ut quisque ubi maturiorem aetatem iudicandis rebus idoneam, attigerit, fidem suam, qua à teneris annis imbutus est, iusto examini subiciat; eamque ad rectas fidei notas, quasi ad lydium lapidem, expendat, probetque, num plane ea sit, quae à Christo Domino, Sanctisque eiusdem Apostolis praedicata, atque ab initio per orbem promulgata fuit; & cum quâ consistere omnino tutum sit, ubi in tremendo iudicio solis Christi fidelibus salus aeterna decernetur.

Cum enim vnica sit Christiana fides, sui semper similis, ex qua salus sperari debet; eaque toties in aliam atque aliam transformetur, quoties vel vnus in ea articulus immutatur: necesse est magno in discrimine versari

omnes.

## *Religionis Christiana*

omnes, qui in tanto religionis dissidio, opinionumque diuersitate, partiali cui obstinatè adherent, quam necdum firmiter fundatam esse perspexerint. Tum etiam tales à sacra Scriptura reprehenduntur, cùm eos asserit leues corde esse, qui citò credunt.

Non interim ignoramus quàm ardua res sit, quàm animo versamus: quàmque perniciosū sit hic errare, vnde eterna salus in discrimē vocatur. Ne igitur quid temerè attentemus, cum doctioribus consilia nostra conferre oppidò desideramus; vè etiam eorum sententia nobis, in tanta re, veritas comprobetur.

Etsi nusquam, in tam cultis regionibus, desint nobis viri probi & eruditi, cum quibus conferre de his potuissimus, ad vos tamen, Viri doctissimi, quorum doctrina & integritas satis nobis perspecta est in hac nostra deliberatione accedere potissimum visum est; quod vobis, præceteris, propter communem patriam, eosdemque Maiores, curæ fore non dubitemus, qua fide ac religione, verane an fallā instituti, in patriam reuertamur. Vos itaque iterum

atque



## *De Reformatione*

atque iterum rogatos volumus, vt hanc nostram consultationem cognoscere, nobisque salutare consilium, quo subnixi, vobiscum aliquando ante æternum Iudicem securè consistere valeamus, pro vestra in Deum pietate, impartiri dignemini.

Vt autem in quibus hæc nostra consultatio versetur intelligatis, primùm quid quæsiuerimus, quiduc inuenerimus; tum quid consilij cœperimus, qua breuitate res patietur, exponemus. Multa siquidem vestræ eruditioni relinquenda videmus, vt epistolæ nostræ modum statuamus.

### PRIMA PARS Deliberationis.

#### CAP: II.

*Quid de maiorum fide ac religione  
inquirētes extra patriā inuenerint.*

**P**rimum diligenter inquisuimus, quæ ratio fidei ac religionis Maiorum nostrorum fuerit; idque non tantum ab his à quibus traductam nouimus, verùm etiam ab illis, qui tempora  
huius

*Religionis Christiana.*

huius reformationis præcesserunt, vel  
deinceps eandem docuerunt, aut scri-  
ptis defenderunt; tum etiam à viris  
eruditis earum nationum, ubi eadem  
adhuc viget. Intelleximus autem nihil  
in ea diuerſum extiſſe ab ea fide ac  
religione, quæ in Dei Eccleſia ſupra, vel  
infra annos mille in orbe viguit apud  
Chriſtianos; atque perbelicè in omni-  
bus eam probatorum Conciliorum de-  
cretis ac definitionibus, Sanctorumque  
Patrum, quos Deus Eccleſiæ ſux Do-  
ctores dedit, ſcriptis conſentire: atque  
adeò longè aliam fuiſſe ab ea, quæ in  
Euangelicorum Doctorem libris, &  
communiter in pulpitis apud noſtra-  
tes, tanquam maiorum, depingitur.

C A P: III.

*Quid contra de auita religionis re-  
formatione, ab Euangelicis facta  
inquiſierint, inuenerintq;.*

**D**Einde eadem diligentia inquiſui-  
mus de Reformatione Auitæ reli-  
gionis facta; à quibus, qua occasione,

B

& qua-

## *De Reformatione*

& qualiter perfecta fuerit, quemque eventum habuerit. hic quid inuenerimus, quidusque de his senserint bona fide in mentibus nostris, quod his magna pars contestationis nostrae constet.

### C A P. IV.

*1. Quod reformatio ista à priuato monacho simulatione permoto, contra ordinem iuris & diuini & humani introducta fuerit*

**I**N primis cognouimus eam reformationem à D. Martino Luthero priuato Monacho simulatione quadam provocatam, & nihil minus quam tale quid initio meditati (ut ipse scripto confessus est) suscepit: politica verò potestate, vel populari motu deinceps insistentem, &que conflictam esse; & quidem ita, ut fides atque religio Maiorum nostrorum, totiusque Christianismi, in prauidicium cum totius Catholicae Ecclesiae, ordinis omnique Episcoporum, atque Pastorum, sine Synodo, in causa, sine iudiciali ordine, ab ipsismet

accusa-

*Religionis Christiana.*

accusatoribus condemnata, atque mutata sit.

Hanc rationem iudicii .pij omnes, vt iuri tum diuino, tum humano contrariam, damnant, ita alienissimam autumant, negantque Spiritum eam suggerere, aut probare potuisse, cum & iniustam, & eis semper familiarem fuisse constet, qui pretextu reformationis, Christianam fidem labeſcitare, atque euertere sunt conati.

C A P: V.

1. *Quod per secessionē & Schisma in Ecclesia inuecta fuerit.*

**D**Einde inuenimus eam reformationem, vbi in terris consisteret, locum non reperisse, nisi vniuersalis Ecclesia Christi unitatem dissolueret, no- uamque sibi Synagogam, extra totius Ecclesiae coetum, cogeret, quæ, repudiata matre .pessimo exemplo sibi soli Ecclesiae Christi nomen arrogaret. Exemplum talis reformationis aliquando in Ecclesia insinuatæ requirunt boni o-

## De Reformatione

*Ioan. 17*

*Eph. 4.*

innes; quod cum non inueniant, nulla-  
que causa cuiquam iusta esse possit  
Dei Ecclesiam scindendi: non possunt  
non suspectam habere; præsertim cum  
Christus, ad passionem suam iturus,  
tam sollicitè pro suis orauerit, ut sint  
vnum, sicut ipse cum Patre vnus est.  
Et Apostolus mander Ephesiis, ut soli-  
citè seruent vnitatem Spiritus. Et quid  
mirum tantopere fidelibus commen-  
datam esse vnitatem? cum eos qui ab  
vnitate Ecclesiæ recedunt exacerescere  
necesse sit, non secus atque ramos à  
trunco auulsos. Non enim extra Ec-  
clesiam viuatur: neque Ecclesia diui-  
sa esse potest.

### C A P. VI.

*3. Quod magnam vim tum Eccle-  
siæ Dei tum Christianis Regnis  
intulerit.*

**T**ertio eandem reformationem ma-  
gnam vim tum Ecclesiis, tum re-  
gnis Christianis intulisse perspeximus.  
Nam Christianum populum à suis or-  
dinariis



*Religionis Christianae.*

dinariis pastoribus, atque Episcopis, sub quibus vixit, ex quo ad Christi fidem conuersus fuit, ad alienos non vocatos auerit: ipsos autem antiquos Ecclesiae pastores, religiososque viros, vt potuit, partim trucidauit, partim carceribus inclusit, partim, vi facta, in exilium egit. Tempia denique, altaria, piaque loca, pietati, diuinisque rebus à piis Maioribus consecrata, violauit, diripuit, euerit, soloque aequauit, eodem modo quo olim fecerunt impij Ariani, & eorum similes.

Nec minus regna perturbauit. Nam subditos contra suos Principes ac Dominos commouit, excitauit, armauit. Principes enim Germaniae mouit contra suum Imperatorem: Rusticos diuersis in locis, contra suos Dominos: Hugonotas in Gallia contra suos Reges: Scotos contra suam Reginam: Belgas contra suum Regem: & Success hodie contra Regem, regniq; heredem. Quid, quòd ipse huius Reformationis Euangelista Turcae clausicum cecinerit, docens contra Turcam preliari, esse Deo repugnare: immò Turcam eiusq; imperium

## De Reformatione

perium, longè præstare Christiâis Principibus, eorumque imperiis?

Quantum autem hac sua doctrina profecerit, res ipsa declaravit. Nam & eius sectæ homines firmamēta aliquot Christianismi Turcis prodiderunt, & magnæ turmæ talium Christianorum sub Turcæ signis contra Christianos hodie militant. multoq; plures eundem auidè in Germaniam expectant, quæ omnia non reformationis sed deformationis Christianismi certa sunt signa.

### C A P: VII.

*4. Quod malis artibus variis instituta profecerit.*

Quarto, ut Reformatio illa non ordinaria via incescit, qua Ecclesia Dei in religionis controversis disceptandis, moribusque reformandis uti consuevit; ita neque Christianis, aut saltem honestis mediis via esse perhibetur. Obicitur enim illius Reformationis Ministris, quod, ut suam reformationem intruderent, Maiorum doctrinam, primosque Ecclesia Pastores calum-

calumniis de mendaciis adduxerint:  
Scripturas sacras per vim multaverint,  
partim falsa interpretatione corrupe-  
rint: Idcirco deique populo, tum  
his qui in Auribus religio nem constitu-  
xerant tum fidei, tanto pluris, falsitatem  
rat omnibus tenetis et considerint, eodem  
que miterat dum modum deceptum.

Prodentia sane sunt hae malarum  
artium argumenta, & à multis litteris  
consignata, ut ea negare difficile sit.  
nos pauca attingemus, quae ad presen-  
tem nostram deliberationem sufficere  
possunt, ut ea nobiscum ponderemus.

C A P: VIII.

*Ars prima Reformata religionis  
mala: Calumniis & variis Malorum  
doctrinam denigrare.*

Q UANtum ad Christianam doctri-  
nam Malorum in multis eam cal-  
pabant, aliis eandem defendentibus.

*I. Calumnia.*

Aiebant Evangelio reformatores, do-  
ctrinam fidei Auctum non Verbo Dei,  
sed hu-

## *De Reformatione*

sed humanis, nisi traditionibus, ac  
somniais. Pernegant hoc Maiorum de-  
fensores; ostendentes apud eos semper  
doctum fuisse omnem doctrinae ratio-  
nem, quae fidelibus traditus, verbo Dei  
contineri: quod & iam declarauerunt Tri-  
dentini Concilij Patres in suo ad Paro-  
chos Catechismo.

*Cat: in  
Proëio:*

### *2. Calumnia Doctrinae.*

Aiebant illi, Maiorum fidem sensim à  
veritate deflexisse, & in tantis articu-  
lis corruptam esse. Contra contendunt  
hi, doctrinam fidei ac morum, prout  
ab Apostolis tradita fuit, per omnia in-  
regiam inuiolatamque in visibili Chri-  
sti Ecclesia in hunc usque diem perse-  
uerasse, puramque Christi Euangelium  
Maioribus nostris, ut illis genibus,  
praedicatum fuisse; idemque, cum toto  
Christianismo tenuisse, ut in illo arti-  
culo doctrinam mutatam fuisse, nec  
dum Evangelici illi Doctores probare  
potuerint:

### *3. Calumnia:*

Aiebant illi, Maiores credidisse homi-  
nem solis naturae viribus posse opera  
bona

## *Religionis Christiana.*

bona ad salutem vtilia exercere. At hi non Maiorum, sed Pelagianorum hoc commentum esse respondent, quod Maiorum Ecclesia ab initio damnavit: Maiorum autem, totiusque Ecclesiae perpetuam doctrinam fuisse: hominem suis viribus, ne quidem bonum, ut oportet, cogitare posse, nedum facere; sed omne opus bonum Deo gratum ex Christi gratia proficisci, Deo praeveniente, & adiuvante hominis voluntate.

### *4. Calumnia.*

Aiebant illi, Aulicæ fidei cultores, neglecta Christi iustitia, voluisse se sua iustitiarum Deo iustificare iustosque esse. Negant hi, ut qui semper crediderint, & cum tota Ecclesia docuerint; iustitiam quæ ex naturæ viribus habetur, nihil apud Deum valere: eam autem solam Deo placere salutisque effectricem esse quæ homini propter Christum in iustificatione donatur; cum illi, remissis peccatis, donum fidei, spei & charitatis à Spiritu sancto infunditur, quo homo interior rectus, ac Deo conformis efficitur.



## *De Reformatione*

### *5. Calumnia.*

Aiebant illi, Maiores voluisse non gratis propter Christum, sed propter sua merita apud Deum iustificari. Hanc autem calumniā hanc à Maioribus suis amolientes, docent eos constanter credidisse quemque Dei solius misericordia, propter Christi merita iustificari: ante iustificationem verò nulla bona merita esse posse.

### *6. Calumnia.*

Aiebant illi, Maiores internam suam iustitiam Dei iudicio in iustificatione opposuisse, ut propter eam peccata illis remitterentur. Hi falsò hoc illis affingi queruntur, cum etiam hodie per totum orbem credat eadem Ecclesia, peccata tantum propter Christi merita iniusto remitti, & simul iustitiam donari, cum per Spiritum Sanctum intus secundum Deum, renouatur; qua renouatione coram Deo formaliter iustus fit: ante remissionem vero peccatorum nullam esse hominis iustitiam; sed Christi merita homini applicari gratis, ut propter

ea iusti-

## *De reformatione*

ca iustificetur per remissionem peccatorum, & iustitiæ infusionem.

### *7. Calumnia.*

Aiebant illi, Maiores non ex Christi meritis, sed ex suis bonis operibus vitam æternam sperasse. Contendunt hi id ab eorum mente alienissimū fuisse; cum nulla nisi ex Christi meritis hominis merita esse; & ex solis Christi meritis ius æternæ hereditatis accipi crediderint. Cum interim promittat Deus vitam æternam bona facientibus ut operum mercedem; etiam eo titulo eandem & quidem maiori cumulo sperari posse docuerunt; præsertim cum Deo placita coronare dona sua in fidelibus propter Redemptoris merita, & suæ liberalitatis propositum, in hac autem doctrina nihil esse inconueniens, si bene expendatur.

### *8. Calumnia.*

Aiebant illi. Maiores diuinum honorem in Sanctos, eorumque imagines, cum summa Dei iniuria, transfuisse. Hi impietatem hanc per summam calumniam maioribus impingi demonstrant.

*Religionis Christianae.*

stant. Nam illos cum toto Christianismo sensisse exploratum habetur, nulum alium honorē Sanctis deferri posse, quam qui piis in terris hominibus ritē defertur: neque eorum imaginibus alium honorem delatum, quam qui signis, ut ipsam rem repræsentant, oculisque subiiciunt, conveniat. Sanctos vero vicissim, pro sua caritate, ea viventibus præstare, quæ vivi poterant; & quidem efficacius multoque copiosius, prout nunc bonorū omnium fontē sunt coniunctiores.

*2. Calumnia.*

Aiebant illi, Maiores nostros humanis inuentis Sacramentariam vim attribuisse. Hi id ita esse pernegant. Nam tantum septem illa Sacramenta, quæ à CHRISTO instituta, atque ab Apostolis Ecclesiæ tradita sunt, pro Sacramentis habuerunt, sicut ea semper habuit Catholica Ecclesia: hominibus autem negauerunt potestatem Sacramenta instituendi. Porro rebus, quæ in Ecclesia benedici solent, vim Sacramentalem non tribuebant, sed solum

tum, quod illis Ecclesiæ oratio conferre potuit.

*10. Calumnia.*

Aiebant illi, Massæ sacrificium à Romanis Pontificibus, ad questum faciendum, opesque cumulandas excogitatum fuisse. Id hi contumeliosè confictum esse, asseverant; cum constet illud longè antiquius esse illis Pontificibus, quibus illi hoc commentum attribuunt; ut pote à CHRISTO in ultima cœna institutum, & ab Apostolis Ecclesiis traditum, prout tota antiquitas testatur; ut iam inde tum in Græcâ, tum in Latina Ecclesia per totum Christianum orbem, in hunc usque diem, Deo, pro viuis & fidelibus defunctis, sit oblatum, iuxta per antiquam Malachię prophetiam.

*Mala: 1*

*11. Calumnia.*

Aiebant illi, Maiorum tempore Sacerdotes, per summam iniuriam, Calicem Domini popularibus eripuisse, ut sic dignior appareret Sacerdotum status in Ecclesia. Hi etiam hanc contumeliam à Sacerdotibus propulsant, docentq; ad

C

Sacri-

## *De Reformatione*

Sacrificij rationem ipse est, quod Sa-  
cerdotes vitamque partem consecren-  
ac sumant: sub utraque vero, vel altera  
tantum specie communicare licet sem-  
per in Ecclesia adia phorum, seu indis-  
ferens sit iudicatum prout etiam duces  
huius reformationis Evangelicæ initio  
iudicauerunt: ex magnis tamen & iu-  
stis causis omnibus ubique sacram Sy-  
naxim accedentibus, tam Sacerdotibus,  
quàm popularibus, ab aliquot saeculis,  
Ecclesiae Iudicio, Sacramentum sub  
vna tantum specie distributum fuisse,  
tùm quod diuinum praeceptum aliud  
non habeat, tùm quod fructus Sacrae  
Communio nis ex eo sit, quod Chri-  
stus, qui verè animæ cibus est, sumatur,  
qui idem semper totus, & integer acci-  
pitur, siue sub vna, siue sub utraque  
specie sacramentum perfrigatur. Atque  
haec de calumniis in doctrinam suffice-  
re possunt, quæ nos ex magno cumulo  
decerpsimus.

## C A P: IX.



*Religionis Christiana.*

*Ars secunda Reformata religionis  
malis, Calumniis variis summū  
Pastorem Ecclesie traducere.*

*1. Calumnia.*

**N**ec minor querela est de peracerbis  
in antiquæ Ecclesiæ Pastores ca-  
lumniis, ac præsertim in Romanum  
Pontificem, quem Antichristum esse  
finxerunt; quasi is se pro Deo venditet,  
ac de fide, cultuque pro suo arbitratu  
scita faciat: condonationem peccato-  
rum, cœlestēque regnum pecunia ve-  
nundet, regnaque transferat. Respon-  
dent hi minimè nouam esse calumni-  
am; sed à priscis illis hæreticis Dona-  
tistis, Luciferianis, aliisque eius farinæ  
nouatoribus confictam fuisse, vt exau-  
cherato Pastore, liberiùs in gregem se-  
uire possent, eandemque calumniam  
ab illis mutuatos esse Euangelicos.  
Papa enim non aliud præ se gerit, quàm  
Episcopale munus in Romana Eccle-  
sia cum generali Pastoralis iurisdic-  
tione in vniuersam Christi Ecclesiam, pro-  
ut eam habuerūt omnes prædecessores.

*To ann.  
Ultima.*

### *De Reformatione.*

eius vsque inde à Sancto Petro, cui, præ aliis, Christus oues suas tertio pascēdas cōmisit: Hanc autem generalē iurisdictionem Ecclesiæ Dei, necessariam fuisse, eoque spectare, ut ille, tanquam totius Ecclesiæ Pastor, totius ouilis curam habeat, ut per loca idonei Episcopi & Pastores constituantur; omnes in consensu, fideique vnitæ, nec non officio contineantur; denique ut Christiana fides ad omnes mundi partes propagetur, & ubi collapsa fuerit reparetur.

#### *2. Calumnia.*

Addunt etiam verum non esse, ipsum pro suo arbitratu, rationem fidei ac religionis, præscribere: sed hoc satagere tum in suo Senatu, tum in Sinodis cum Episcopis, & Doctoribus, ut fides, Christianaque religio verbo Dei consentanea, prout ab Apostolis tradita fuit, declaratur, & sana testis in Ecclesia Dei conseruetur, ac vigeat; quod cum ferre non possint, qui res novas moliuntur, quid mirum si ringuntur, & in antiquitatis custodem, conseruatoremque insurgant?

## *Religionis Christiana.*

### *3. Calumnia.*

Perinde etiam falso confictum perhibent, Papam peccatorum veniam, aut ad coelum aditum vendere. Nam cum pœnitentibus & bona operantibus vitam æternam promittit, non vendit coelum, sed Euangelium prædicat, quod talibus in coelum aditum præmittit: Cùm autem iusta ex causa fidelibus indulget, debitaque remittit; non id precio inductus facit, verum tanquam generalis Ecclesiæ Oeconomus, cui à CHRISTO dispensatio commissa est, fideles Canonibus Ecclesiæ soluit, seu, ut loquuntur, cum illis dispensat, vel condonationem ac remissionem facit: debita autem eleemosynis, piisque operibus commutat, ut necessitati Ecclesiæ subueniat, vel pium opus promoueat, vel fidelium consolationi consulat.

### *4. Calumnia.*

Quantum verò ad Regnorum translationem, de qua Papam accusant, nihil eam à generalis Pastoris officio alienum habere respondent. Nam cum politica

C;

Regno-

Regnorum administratio ad Spirituale, ut finem, referatur; ubi propter eam Spiritus sanctus periclitatur. Spiritus sanctus Patris est hinc incommodis, potestate sibi à Deo tradita, sic occurrere ut saluti subditorum consulatur, praesertim quando aliter fieri non potest. Sed de calumniis dictum sit.

C A P: X.

*Ars 3. Reformatæ religionis Scripturas ipsas sacras varie vel corrumpere vel mutilare.*

**D**E Sacrarum literarum verbiq[ue] Divini corruptelis, prolixum esset dicere, neque operæ precium existimamus eas hic commemorare, cum de his à multis scriptum sit: hoc autem ad præsentis rei iudicium sufficere putamus quod dicant minime obcurum esse. Reformatores illos inagnum in eo studium posuisse, ut Sacras Scripturas contra communem Sanctorum Patrum consensum intrepeterentur, prout à multis notatum est: quarum autem

tem sententiam sic declinare, desistere-  
reque nequiverunt, eas Scripturas in  
dubium vocasse, ac tanquam apocry-  
phis, contra totius Christianismi an-  
tiquam sententiā, reieciſſi; prout tum  
Germanica, tum nostra Danica Biblia  
hodiē testantur.

Idem iudicium esse docent de eo-  
rundem Parallogismis, fallaciumq; col-  
lectionum cumulis, qui in eorum scri-  
ptis passim leguntur; cum vel ad anti-  
quitatem conuellendam, suasque opi-  
niones statuendas, scripturas fundunt  
copiosissimē, quantumvis ad rem pa-  
rum faciant: vel à sacrarum rerum abu-  
su, vitisq; Ecclesiasticorum frequen-  
tissimē argumentantur, quæ ratio si  
probaretur, nihil humanis vſibus inte-  
grum, nullumq; in Republica officium  
leticiū relinqueretur. De malis igitur  
Reformatorū artibus sic instructi sum⁹,  
ut, quomodo excusari possint, non vi-  
deamus. Sed nos ad alia pergamus, quæ  
in illa reformatione inuenimus.

C A P. XI.

C \*

*Quod*

## De Reformatione

*Quod Reformatio ista non tam a-  
uitam fidem reformarit quam no-  
uam doctrinam inuexerit, eamque  
inconstantem; Variis antiquis hæ-  
resibus aspersam & omnibus nouis  
erroribus portas aperientem.*

**Q**uinto inuenimus reformationem  
Euangelicorum non Euangelicam,  
sed nouæ fidei doctrinam in Ecclesiam  
inuexisse, eamque passim antiquis hæ-  
resibus, iam olim damnatis, aspersam,  
atque insuper sic comparatam, vt om-  
nibus hæresibus quæ fuerunt, vel exco-  
gitari poterunt, & portam aperiat, &  
viam sternat spaciosissimam. Hæc quo-  
modo à Catholicis doceantur paucis  
ostendemus.

### C A P. XII.

*Quod nouam doctrinam induxerit.*

**E**uangelicam doctrinam, qua parte  
ab Auita differt, nouam esse, in-  
priniis inde colligunt, quod Lutherus,  
eius doctrinæ Euangelista, sæpe glorie

tur

tur in suis scriptis, sibi iam esse reuelatam, seque primitias illius Spiritus accepisse. De illo Spiritu quis fuerit, valde sinistra suspicantur eius aduersarij. existimant enim fuisse Spiritum illum eidem familiarem, cum quo frustum salis se comedisse aliquando gloriatus est. Et quidem ipse scribit de disputatione sua cum Malo illo Spiritu intempesta nocte habita; in qua fateitur sibi ab eo persuasum fuisse, sacrificium externum, aut Sacerdotium à Christo nullum in Ecclesia institutum esse. qui articulus ex præcipuis eius doctrinæ est, quem deinceps docuit, & rationibus quibus conuictus fuit, confirmauit. ab eodem Spiritu etiam plura cum accepisse, non immerito arbitrantur.

Deinde satis constare dicunt, Lutheri doctrinam magna ex parte ex disputationibus natam esse: cum necesse ei fuerit ea admittere, quæ ad ea, quæ defendenda susceperat, consequentia essent. Vnde etiam factum est, vt, cum aliquando eò, quò disputatio ducebat, sequi horrerit; tum ab aduersariis,

*Tom: 7.  
Latino  
de abro-  
ganda  
Missa.*



*De Reformatione*

quod sibi non constaret, tum postea à propriis discipulis tanquã timidi-  
or sit reprehensus. Reprehendūt enim eū Sa-  
cramentarj, quòd ad eorum placita nō  
perrexerit quę ex doctrina illius de Eu-  
charistia sequebantur. Reprehendunt  
eundem Anabaptistę, quòd in illa  
sententia, de infantium actuali fide,  
substituerit, & ad pædobaptismum tol-  
lendum non fuerit progressus, quod ex  
eiusdem doctrina de fide iustificante  
consequabatur. Reprehendunt eum  
nouī Ariani, Samosatēni, & alij similes,  
quòd cum ostium ad eorum propria  
dogmata ipsis aperuisset, limenque tri-  
nisset, timidi-  
or, quam de-  
cavit Euange-  
listam Christi, pedem retulerit.

Denique nouam doctrinam esse in-  
de præcipuè demonstrant; quòd Lu-  
therus nusquam terrarum eam doctri-  
nam ante se inuenerit: neque interea,  
quantumuis multum quasita, vllibi sit  
inuenta; immò neque quemquam ad-  
huc repertum esse, qui decere potuerit  
eam vsuam, vsque ab Apostolis, in or-  
be doctam aut creditam fuisse. quod

*Religionis Christiana.*

sane à CHRISTI Euangelio prorsus alienum videtur; cum CHRISTVS dixerit suum Euangelium prædicandum in vniuerso orbe : Seque cum Euangelizantibus fore omnibus diebus vsque ad consummationem sæculi.

*Mat: 24*

*Mat: 28*

Non ignoramus tamen esse qui conantur Euangelicorum doctrinam ad prædecessores quosdam antiquos referre; Sed id efficacius longè præstare videntur eorum aduersarij cum docent Euangelicos quidem ex superioribus sæculis Patres inuenire, verum non vniusmodi, sed diuersarum hæresum : cum nullo autem eorum, præterquàm in vno aut paucis articulis, Euangelicos conuenire : in aliis verò ex diametro pugnare, prout mox ex eorundem sententia referemus.

C A P: XIII.

*Quod inconstantem doctrinam  
tradiderit.*

DE inconstantia porro doctrinæ Euangelicorum à multis evagitata. superfluum videtur hic dicere, cum

. Protheo

## *De Reformatione*

Protheo mutabilior non sine causa passim habebatur. Quis enim ignerat, inquit aduersarij, Lutherum, & Achatem eius Philippum multoties sententiam, etiam in rebus maximis, mutauisse. Ad quam varia etiam deinde deflexerint eorum discipuli, indicio sunt tot sectæ, quæ hodiè Lutheranum orbem vastant. Etenim animaduertunt viri docti, & res ipsa loquitur, ex Lutheranismò rectum & tritum iter patere ad Sacramentarios: à Sacramentarijs ad Arianos: ab Arianis ad Machometanos, vel etiam Atheismum, qui demùm in Sathanismum desinit omnis erroris gurgitem.

### C A P: XIII.

*Quòd antiquis hæresibus aspersam doctrinam inuenerit.*

Tertius erat, doctrinam Euangelicorum communem, antiquarum hæresum erroribus aspersam esse. Cùm enim Lutherus, ob excommunicationem in se latam, in Papam ingens odium concepisset, quærebat ex priorum

tempo-

temporum controuersus ea quæ Papæ  
maximè aduersaretur: prout ipse facit-  
tur, scribens contra Sacramentarios.  
vbi etiam addit, si quis tum illi persua-  
dere potuisset errorem Sacramentario-  
rum, id gratum sibi futurum, quod se  
ea doctrina plurimū Papæ officere po-  
tuisse videret. Iamdem multis mutu-  
atus est, suamque doctrinam reuocauit,  
prout iam ex Catholicorum scriptis  
ostendemus.

## 1. Hæresis

*Antiqua Reformationi isti  
admixta.*

Docuit Traditiones Apostolicas in  
Ecclesia nullius auctoritatis esse, sed  
soli Scripturæ standum. Illud habuit à  
Marionitis, Valentianis, Arijs,  
Aërianis, & alijs multis hæreticis.

*Irin. lib. 3. Tertul. de præscrip. hæ-  
reticorum. Epiphaz. hæres. 69.*

*Basil 27. de Spiritu Sancto.*

## 2. Hæresis.

Visibilem Ecclesiam Catholicam a-

D

Jiquan-

*De Reformatione*

liquando à vtra fide deiecisse, ac periisse.  
Idem dixerunt Donatistæ, Luciferiani,  
Berengarij, Nestoriani, Valdenses.

*Aug. de Unitate Ecclesiæ, & hæ-  
resi 69. Hieron. in Lucifer. Ioannes  
Turrecremata lib. 4. Sum. parte 2.  
cap. 35. Laufrancus contra Beren-  
garium.*

**3. Hæresis.**

Nullum visibile caput Ecclesiæ à  
CHRISTO constitutum esse. Idem  
asseruerunt demum Marsilius, & Ian-  
dunus ante annos circiter 300. quorū  
damnatio existat.

*Aluarius de planctu Ecclesiæ,  
cap. 68. Extravag. Ioannis 22.*

**4. Hæresis.**

Ecclesiam, quam in Symbolo con-  
fitemur, tantum esse iustorum. & ob id  
inuisibilem. Idem olim docuerunt  
Taciani, Donatistæ. & Pelagiani. Ele-  
ctorum tantum esse dixit Hus, vt hodie  
Hunnius Vbiquista.

*Epipha-*

*Religionis Christiana.*

*Epiphan. heres. 46. Aug. contra Donatistas, post collationē. & heresi 88. Concil. Constant. Sess. 5.*

**5. Hæresis.**

Bona opera non esse ad salutem necessaria, sed solam fidem sufficere. Eadem doctrina fuit Pseudoapostolorum, & Aërianorum, seu Eunomianorum, ante eos etiam Simonis Magi.

*Iacob. 2. Epiphan. in Indice in lib. 3. contra hereses. Aug. heres. 54. Irenæus lib. 1. ca. 20.*

**6. Hæresis.**

Sacramenta non conferre gratiam, quā significant; sed nuda signa esse sine vi. Idem docuere Armeni Hæretici tēpore Phocæ; & Cathari tēpore Alexandri Tertij: baptisimū quoq; signū tantū esse sine virtute dixerunt Albigeneses.

*D. Gregor. lib. 12. epl. cap. 10. Guido de heresib. Antonius parte 4. tit. 11. cap. 7.*

**7. Hæresis.**

In iustificatione impij per baptismū non tolli peccata, sed tantum tegi. Idē asseruerunt Messaliani, qui & Euchitæ dicti sunt. Proclus quoque antiquus Origenista, non tolli peccatum, sed illud in carne tegere suas radices dixit.

*Theodoretus lib. 4. hæret. fabul. Epiphanius hæresi. 64.*

**8. Hæresis.**

Nullum externū sacrificium à Christo in Ecclesia institutum esse. Idem Manichæi, Brusiani, & VViclepistæ. Bogomiles etiam Diaboli Sacrificium esse dixerunt, quod in Ecclesia offertur; at paulò mitiùs Euangelici, qui Idolomaniam & incantationē vocant.

*Aug. lib. 29. contra Faustum cap. 18. Euthim. parte 2. tit. 23.*

**9. Hæresis.**

In Eucharistia non esse conuersum Panem in Corpus Domini, & Vinum  
in san-

in sanguinem; sed sub illis, & in illis esse. Idem docuit Berengarius à Sacramentaria hæresi conuersus, & in hanc relapsus.

*Blondus decade. 2. lib. 3. Concil. Roman. sub Gregor. 7.*

### 10. Hæresis.

In pœnitentia non requiri peccatorum confessionem, & satisfactionem. Idem Montanus dixit, Iacobitz, & Albigenſes.

*Hier. ad Marcellam de error. Mont. Buchingerus in hist. Eccles. Anton. 4. parte. tit. 11. cap. 7.*

### 11. Hæresis.

Ex sua fide iustificante certos fieri homines de iustitia, quod iusti sint. & filij Dei. Eandem certitudinem docuerunt Pelagiani, & Almericus hæretici.

*Hier. lib. 3. in Pelag. Aug. de Cor. & gratia cap. 6. Vincent. in speculo lib. 29. cap. 107.*



**12. Hæresis.**

Inuocare Sanctos , eorumque reliquias venerari, esse Idolatriam. Idem dixerunt Caini soboles Gnosticorum, Manichæi, & Vigilantius:

*Hieron. in Vigil. cap. 3. Aug. lib. 20. contra Faustum. cap. 21.*

**13. Hæresis.**

Venerationem Crucis & imaginum Sanctorum Idolatriam esse. Idem Iconomachi, Paulitiani filij Manichæorū, & Valentinianorum.

*Damascenus hæresi. 102. Synod. 7. Euthim. parte 2. tit. 21.*

**14. Hæresis.**

Miracula, quæ fiunt in memoriis monumentisque Sanctorum ad preces fidelium, Diaboli præstigias esse. Idem Vigilantius, & Valdenses.

*Hier. in Vigilant. Antonius parte. 4.*

**15. Hæresis.**

Observare Ecclesiastica Ieiunia operæ-

repræ-

Preterea non esse; abſtinentia autem à certis cibis, doctrinam eſſe Dæmoniorum. Idem, ſed modèſtius, dixerunt Iouiniani, Enſtatiani, Aëriani.

*Hier. in Iouin. Epiph. hæreſ. 75. Aug. hæreſ. 51. Socrates lib. 2. cap. 33.*

### 16. Hæreſis.

Episcopos & Præbiteros hic omnes æquales eſſe: omnes verò electos in cœleſti gloria pares fore. Illud olim docuerunt Aëriani Anj discipuli, hoc Iouinianus hæreticus.

*Epiph. hæreſ. 75. Aug. 51. Hieron. lib. 2. in Iouin.*

Ex his igitur patere aiunt, quos ſuorum dogmatum Patres habeant Euangelici, nec ſic tamen ſatis inter ſe conſentiunt.

### C A P: XV.

*Quod Reformatio iſta omnibus erroribus nouis portam aperuerit.*

**I**Am poſtremū ſupereſt, nempe quod omnibus hæreſibus oſtium aperiat,

viamque sternat; quod paucis expediemus.

Qui Hæreticorum fidem defendunt, hæreses ex ea ratione ortas, numerant circa 160. Sed nec dum omnia qua exelusa esse dicunt. Eiusdem beneficio quotiescunque in inferno sepulchra inuent fuerint rebituras, & quidē deteriores quā ante fuerint, ut pote Euangelicorum erroribus suffultas, quales apparuerunt, quæ hætenus inde caput extulerunt, constanter assueverunt. Causas autem dant: Quia Sacra Scripturam certe teste priuauit, ut quisque, per conuentionem, quicquid ex ea re scire uelit possit; uel etiam totam, tanquam humanam traditionem, neque prout faciunt huius temporis Actus, quia Catholice Ecclesie, quam Deus et c. lumen & firmamentum in terra fuit, auctoritatem in testando & iudicando subulit. quia Synodorum penam approbatam sententiam euauit, quia denique Sacram Scripturam se iudicem contra ueritatem fecit, ut semper res foueat & quisque sententiam eandem pro se pronunciare non

*Religionis Christianae.*

non dubitet, modo se Spiritum Dei habere (quod omnes volunt) confidat. His enim sic constitutis, Christiana fides Diabolo cribanda, omnique errore contaminanda propinata est. Sentiant hoc ipsi Sectarum, qui de Atheismo apud se succrescente, graui ter conquerruntur.

C A P. XVI.

*Quod ex ista Reformatione, omnia in peius profecerint.*

P O S T R E M Ò ex hac Reformatione animaduertimus, omnia, præter morem veri Euangelii, in deterius profecisse. Nam, præter innumera de fide dissidia quæ attulit, vnde passim odia, rixæ, cōtentiones, maledictiones, seditiones inundauerunt; etiam morum ingens in populo facta est vastitas apud omnes ad quos ingressa est. De hac vastitate non semel questus est in suis scriptis ipse Lutherus; admirans, quo magis prædicetur Euangelion, eo reddi homines deteriores, quàm ante fuerint. Apud Aurifabrum autem fidoquitur:

*Luther.  
in Postil.  
i. c. 1.  
in Pri-  
ma Do-*

*minica  
Aduent.*

## *De Reformatione*

Post reuelatum Euangelion, Virtus est occisa, iustitia oppressa, temperantia ligata, veritas à canibus lacerata, fides clauda, nequitia quotidiana, deuotio pulsa, hæresis relicta. Similia testantur alij eiusdem Euangelij Præcones de suis, quorum verba præterimus tum breuitatis gratia, tum quod plura de his sciantur, quàm scribi possint. Sic autem res in dies crescit, vt deteriora semper expectanda sint. Illud verò iure dolendum, clamant omnes, quòd non perinde sciatur ab omnibus, hunc fructum proprium esse hæresis & apostatiz. Atque hæc sunt quæ, præter alia, in Euangelicorum reformatione inuenimus: quid autem nos consilij cœperimus, exponemus.

### SECUNDA PARS deliberationis.

#### • C A P: XVII.

*Deprehensa fraude prætensa Reformationis, quid de Veritate inquirenda deliberarint.*

*Depre-*

*Religionis Christiana.*

**D**Eprehensa non obscura huius reformationis fraude, quâ & ipsi hactenus implicati fuimus; de veritate inquirenda ante omnia deliberauimus. Eam quidem sine scripturarum adminiculo quærere temerarium duximus: sed cum tot, tantarumque controuersiarum, quæ ex Sacris Scripturis disputantur, nos ipsos censores constituere non possemus, media quædam via, eaque tutissima, nobis insinuata est, atque ex ijs quæ extra controuersiam conceduntur, ratio veritatis inuenienda est patefacta. Duo namque ex Sacra Scriptura certò deprehenduntur: scilicet; esse veritatem Dei in terra: & ubi ea sit. ex his porro non difficulter habetur tertium, etiam Scriptura adstipulante; nempe vnde veritas sine omni dubio aut ambiguitate haberi possit.

**C A P. XVIII.**

*Semper esse Veritatem Dei in terra.*

**E**st semper veritatem Dei in terra, præsertim ab eo tempore, quo **CHRISTVS** eam in terra fundauit,

---

omni-

*Psal. 118*

*Isaia 14*

omnibus in confesso est, secundum illud Psalmi: In æternum Domine Verbum tuum permanet in coelo: in generatione & generationem veritas tua, fundasti terram & permanet. & illud Isaia: Verbum autem Domini manet in æternum.

C A P I T U L U M XIX.

*Semper in Ecclesia spectabili Veritatem Dei inueniri.*

*1 Tim. 3.*

*Matt. 16*

**V**bi sit veritas, eodem compendio cognouimus. Nam Apostolus ad Timotheum dicit Ecclesiam esse domum Dei, columnam ac firmamentum veritatis; contra quam, inquit, Christum, non praeuoluit inferre portas.

Ita si igitur veritatem semper in Catholica Ecclesia esse, nemo ferè, aiunt, in dubium vocet; quæstionem tamen quidam mouent, utrum in visibili, an inuisibili Ecclesia veritas semper maneat; quæ quidem quæstio eo tendit, ut siuctum huius veritatis, quem omnibus manifestum esse voluit Spiritus sanctus obsecret; sperantes veritatem

Dei

*Religionis Christianae.*

Dei semper quidem in inuisibili Ecclesia esse: in visibili non item, cum sæpè eam longo tempore errare contingat.

C A P: XX.

*Null. im esse in terris Ecclesiam præter visibilem eide m<sup>q</sup> omnes promissiones quæ ad Ecclesiam pertinent esse factas.*

**V**ERÙ apud veritatis studiosos hanc distinctionem nihil pensi habere ostendunt aduersarij, cum id distinguunt tanquam diuersa quod tantum vnum esse potest, vt explicatur in Symbolo Nicæno. In primis enim commentum de inuisibili Ecclesia, viro orthodoxo displicebit, qui illud antiquorum & absurderum hæreticorum esse nouerit. Illud asseruisse Tacianos aquarios, testatur D. Epiphanius hæresi 46. etiam Donatistarum fuisse, testatur D. Aug. lib. post Collationē Cap. 6. & sequentibus. Pelagij, inimici gratiæ CHRISTI, idem quoque fuisse, docet Augustinus hæresi 88. quæ omnes pro exploratis

E

hærencis



### *De Reformatione*

hæreticis etiam ab Euangelicis habentur & derantantur. Quanquam enim in populo Dei sint iusti & iniusti, non tamen vlla est Ecclesia in hac vita iustorum tantum; sed vna est CHRISTI Catholica Ecclesia ex iustis & iniustis congregata, quam in Symbolo confitemur.

*Isa. 59.*

*Ioan. 14*

Deinde Sacræ Scripturæ non inuisibili atque conspicuæ Ecclesiæ promissiones omnes sanciant, vnamq; Ecclesiam agnoscunt. Hoc in primis euidentissimè docet pactum noui testamenti quod Deus cum Ecclesia pepigit, quod legitur apud Isaiam his verbis: Hoc fœdus meum cum eis, dicit Dominus: Spiritus meus qui est in te, & verba mea quæ posui in ore tuo, non recedent de ore tuo & de ore seminis tui, & de ore seminis seminis tui, dicit Dominus, amodò & vsque in sempiternum. Cui è regione respondet Christi promissio apud D. Ioannem: Et ego, inquit, rogabo Patrem, & alium Paracletum dabit vobis, vt maneat vobiscum in æternum, Spiritum veritatis. Apertè loqui-

tur

*Religionis Christiana.*

tur Deus apud Isaiam de verbo prädicationis, quod est visibilis Ecclesiæ: & Christus illis loquitur, quos, ascensurus in cœlum, ad Euangelium docendum misit in totum orbem.

Idem quoque ex his quæ apud Isaiam sequuntur perspicuum est: Ambulabunt (inquit) gentes in lumine tuo, & Reges in splendore ortus tui, &c. Et ædificabunt filij peregrini muros tuos, & reges eorum ministrabunt tibi. Et aperientur porta tuæ iugiter, die ac nocte non claudentur, ut adferatur ad te fortitudo gentium, & Reges eorum adducantur. Gens enim & regnum quod non seruiert tibi, peribit, & gentes solitudine vastabuntur, &c. Et infra: Super muros tuos Ierusalem constitui custodes, tota die, & tota nocte in perpetuum non tacebunt. En, inquiunt, quomodo omnes hæ scripturæ, visibilem Ecclesiam sonant, perpetuamq; veritatis in eadem annunciationem prædicunt. Ne autem prolixius de hac re disputare opus sit, addunt ipsum Christum in cœlum ascensurum, de hac eadem

*Isa. 60.*

*Isa. 62.*

*Matth.  
Slt.*

quaestione nos certos reddidisse, cum diceret his quos ad docendum & baptizandum misit: Ecce ego vobiscum sum omnibus diebus vsque ad consummationem saeculi. Si enim Christus erit cum his qui docebunt & baptizabunt omnibus diebus vsque ad consummationem saeculi; vsq; etiam omni tempore erunt in Ecclesia visibiles, qui verum Christi Euangelium praedicabunt: & Christus cum illis erit, vt vera praedicent, & per eos impleatur, quod ipse praedixit: Et praedicabatur hoc Euangelium regni in vniuerso orbe, in testimonium omnibus gentibus, & tunc veniet consummatio.

*Mat-24*

C A P: XXI.

*Respondetur ad contraria.*

**Q**UAE autem his obijci solent: scilicet Ecclesiam, quae Christi corpus est, non videri, sed credi: eiusq; membra viua esse, non mortua: leuia ab aduersarijs iudicantur, respondent autem aliud de Ecclesia Dei credi posse, & aliud

*Religionis Christiana.*

& aliud videri. Sicut enim cum Christus in terris prædicaret, & miracula faceret, videbatur is, ac cognoscebatur; sed filius Dei, ac Redemptor credebatur: ita etiam Ecclesiæ societas, ex omnibus gentibus, in vna fide, eodemque Sacramentorum usu collecta, videtur atque cognoscitur: quod autem vera Dei Ecclesia sit, creditur sacra Scriptura eam demonstrante. Hoc etiam corpus Christi membra habere, inquirunt, non solum viua ac fructuosa, sed etiam mortua atque infructuosa, testatur ipse Christus apud D. Ioannem; & quidem, nisi ad frugem redierint, suo tempore resecanda, atque in ignem mittenda. Siquidem hoc Christi corpus non naturale est, sed mysticum; quod naturali per omnia simile esse non est necesse.

C A P: XXII.

*Concluditur securissimè ab Ecclesia  
Catholica Veritatem peti si er-  
rare nolumus.*

**H**Ac igitur veritate sic confirmata,  
inferunt nulli obicurum esse posse,

E;

quin

*Ioan 15*

*De Reformatione.*

*Isaia: 2.*

*Mich. 4.*

quin ab hac eadem Ecclesia, in qua Spiritus veritatis omni tempore palam veritatem docet, veritas perenda sit. Ne tamen ambigendi locus sit, audiamus, inquit, Spiritum Sanctum. idem per Prophetas prædicentem. Et erit, inquit Isaïas & Micheas, in nouissimis diebus præparatus mons domus Domini in vertice montium, & eleuabitur super colles, & fluent ad eum omnes gentes, & ibunt populi multi, & dicent: Venite & ascendamus ad montem Domini, & ad domum Dei Iacob, & docebit nos vias suas, & ambulabimus in semitis eius quia de Sion exhibet Lex, & Verbum Domini de Ierusalem. Ecce, inquit, non ad Scripturas nos inuitant illi, licet & ipsæ veritatem doceant; sed ad Domum Dei, quæ est Ecclesia Catholica, in qua Spiritus Sanctus, sine omni ambiguitate, per ordinarios ac legitimos pastores, ex verbo Dei, viam salutis docet.

Non enim cuiusvis est ex Sacra Scriptura veritatem inquirere. Nam magna pars hominum sine litteris est: & litterati multi errant etiam cum Scripturâ

scrutan-

*Religionis Christiana*

serutantur, aliosque secum in errorem adducunt, prout superiora secula testantur, & nos hisce temporibus, magno nostro malo, experimur. quia non humano ingenio intelligitur Sacra Scriptura; sed eo Spiritu quo dictata est. qui non omnibus datur. Deus proinde, qui vult omnes saluos fieri, vt & simplicibus atque idiotis consuleret ne omni vento doctrinae circumferantur, & doctis modum sapiendi statueret; in domo sua doctrinae salutaris Cathedram firmavit; vt qui errare nolit, in Catholica Ecclesia, vbi magister est Spiritus Sanctus, veritatem quærat; quia Deus eam constituit columnam, & firmamentum veritatis: vt credendo & docendo veritatem in terra sustineat ac firmet.

*2 Tim: 3*

C A P. XXIII.

*Quæ videatur hoc tempore Catholica Dei Ecclesia à qua sit Veritas petenda.*

**S**I iam quærat aliquis; quæ sit ea Ecclesia Catholica hoc nostro tempo-

*De Reformatione*

*Dan. 2.*

*Ibidem.*

re? Eandem effe respondet, quæ semper fuit: Quæ enim sit, neminem dubitare posse aiunt. Qui vel ipsum nomen exponere velint? Quid enim aliud est Catholicum, quam vniuersale? Vniuersalis autem est Ecclesia Dei, secundum Scripturas, quia tempore, loco & fidelium vniuersitate vniuersalis est. Tempore quidem, quia ab Apostolis fundata, perpetua pastorem ac gregis successione, in eadem fide ac Sacramentorum vfu perseverat. Siquidem regnum est, (vt apud Daniele legimus) æternum. Loco etiam vniuersalis est, quia (vt apud eundem est) lapis ille est, contritis Monarchiis, repleuit vniuersam terram. Omnium denique fidelium est; qui fuerunt, sunt vel erunt; quia ea vnica est Christi Sponsa, & mater fidelium omnium; vt qui eam non habuerunt matrem, neque Deum habituri sint patrem.

Quæ si ita sint, quænam Ecclesia Dei sit, quis inquit, non videt? Hactenus fere puduit Euangelicos aiunt, suum certum Catholicum, aut se Catholicos dicere; vt ideo Lutherus, Symbo-

lum

*Religionis Christiana*

lum Apostolicum transferēs; articulum mutauerit, & t. pro Credo Sanctam Catholicam Ecclesiam, reposuerit, Credo Sanctam Christianam Ecclesiam; veritus, fortè, ne nomine Catholico, fortus suus heiternus idemq; exiguus proderetur. nunc tamen eius discipulos, numero aliquo auctos, illius deprauationis pudet, & arctiorem nominis interpretationem, quàm docuit antiquitas, excogitauerunt, ex qua singulæ Euangelicorum sectæ, suam synagogam Ecclesiam Catholicam appellare non verentur. Sed quid eos, inquit, hoc commentum iuuat? cum sic se solos Christianos esse iactantes, seipsos non tantum à Christianis totius orbis, qui in auita fide perseverant, & ab omnium superiorum sæculorum fidelibus, excludant; verum etiam se, secundum scripturæ interpretationem, Catholicos non esse confiteantur; idemque re ipsa ostendunt, cum antea non nihil dilatarati, indies, ob superuenientes sectas, in arctum constringuntur.

Maiores autem Ecclesia, orbis Ecclesia est, quæ, cū Christiana fide, nata,



## *De Reformatione*

ac propagata, iam inde ex quo nata est, in vna semper fide, & Sacramentorum usu continuata cernitur: ad quam etiam vniuersæ gentes conuersæ sunt, & in dies singulos reliquæ gentium conuertuntur; vt, ex quo hîc in Europa de fide Christiana contendî cœptum est, tum in oriente, tum in occidente, vbi ante vix homines esse sciebantur, multo lōgius ac latius propagata sit, quàm in septentrione contracta,

Quo igitur consultatione nostra deuenerimus, satis, etiam nobis silentibus, cernitis Viri clarissimi. Verùm omnia ad vestrum eruditum iudicium referimus; quo, nisi remoremur, nihil aliud superesse videmus, quàm vt victrici dextra, dextram coniungamus; & ad auitam fidem, à qua parentes nostri temerè, vt videtur, deflexerunt, cōsulto reuertamur. Quomodo enim de illa fide ac religione dubitare possumus? quam Catholica Ecclesia, ab Apostolis acceptam in omnia deinceps secula, ad nostra vsque tempora, integram illibatamque conseruauit, & ad omnes gentes propagauit: quæ per

totum

*Religionis Christiana*

totum orbem prædicata, tot diuinis signis atq; miraculis in omni gente confirmata, tot Sanctotum sanguine obfignata, tot Sanctorum Patrum consensu est illustrata: per quam tot fideles Deo placuerunt, æternamque salutem sunt consecuti: quorum fidei, & sanctæ conuersationi non tantum totus Christianus orbis testimonium perhibet; sed etiam Deus, æterna veritas, eandem euidentissimis sæpè signis tū in vita tum post mortem viuentibus consignauit: quam etiam nunc maxima orbis pars sequitur, & hodie longè, lateque ad reliquias gentium propagatur Deo cooperante, & sermonem prædicantium confirmante sequentibus signis.

C A P. XXIV,

*Conclusio totius Deliberationis.*

VIdere iam videmur, vos audire: Quid ô Iuvenes, agitis? si patria fide relicta, ad Maiorum vestrorum religionē respexeritis, quis vobis locus in patria erit? aut quo vos conuertetis?

Equidem, Viri doctissimi, cara nobis est

### *De Reformatione*

bis est patria, pro qua etiam nunc labores subimus: at longè carior veritas, sine qua nulli salus contingit. Si Maiorum, fides Christiana fides est; ea profecto non solum patriæ, & vitæ omnibus commoditatibus, verum etiam vitæ nobis præponenda erit. Quid enim proderit vixisse, si ideo æternæ vitæ dispendium faciendum sit. Ad æternam siquidem vitam non nisi via vna est, eaq; simplicissima Sanctorumq; omnium calle trita; reliquæ verò omnes, cuiuscunque nominis sint, in æternum interitum ducunt. Si igitur vestro iudicio exulare necesse erit, apud Catholicam Ecclesiam, quæ mater est, exulabimus; ipsa nos recipiet.

Interim, propter Maiorum nostrorum fidem ac religionem, exilium nobis magnopere verendum esse non arbitramur. Nam etiam sic in patria & Deo fideles, & patriæ vtilēs erimus. Regem enim & regni Proceres habemus, laus omnipotenti Deo, sapientissimos & moderatissimos, qui tam iustæ causæ non aduersabuntur: neque tam rationabili conscientia vim inferri pati-

entur,

*Religionis Christianæ.*

entur, vt in se tantum sanguinem deri-  
uent subditorum; præsertim cum (vt à  
parentibus nostris, aliisque semibus co-  
gnouimus) initio huius reformationis  
in patria institutz, sic noua fides pu-  
blicata fuerit, vt interim libertas om-  
nibus, qui apud Maiorum fidem ma-  
nere vellent, Regia ac Regni auctorita-  
te fuerit publicata; eam autem interea  
publico aliquo edicto reuocatâ fuisse,  
nunquam intelleximus.

De Serenissimi itaque Regis nostri  
clementia, Magistratûque humanita-  
te benè confisi, hanc sollicitudinem  
deponimus: Vos autem, Viri eruditis-  
simi, obnixè rogatos volumus, vt hanc  
nostram deliberationem in meliorem  
partem interpretemini, vestroque cal-  
culo hoc nostrum consilium vel con-  
firmetis: vel, certè, si quid solidius,  
diuinæque veritati conformius habue-  
tis id nobiscum communicare non  
grauemini. Benè valete. Dat. i. p. s.

Kalendis Octobris Anno

1602.

F

SVPPLE-

*Supplementum libelli.*

PROPOSITIONES

CATHOLICÆ ADVERSUS  
omnes huius temporis  
Sectarios.

PRIMA PROPOSITIO.

**I**AM inde à temporibus Apostolorum vsq; ad annum decimum septimum supra millesimum quingentesimū, quo Martinus Lutherus nouam suam doctrinam in mundum inuexit, nemo in toto orbe extitit, qui per omnia cum Martinistarum, Calvinistarum, Anabaptistarū, aut aliorum eiusmodi sectariorum opinione consenserit: neque ullus vnquam hæreticorum probabit Apostolos aut Euangelistas Martinistarum, Calvinistarum,

vel

*Propositiones Catholica*

vel alterius nouæ sectæ fuisse,

Ex quo consequitur Martini-  
stas, Caluinistas, Anabaptistas,  
& similes alios nullam prorsus  
habere fidem. sed recens dunta-  
xat excogitatū figmentū, quod  
fidei nomine exornant, & vene-  
rantur, eosq; esse illos, de quibus  
variis in locis scriptura sacra af-  
firmat: *Nouissimis temporibus*  
*uenturos pseudopphetas.*

SECUNDA PROPOSITIO.

**P**ROBARI non potest, quod Re-  
ligio & Fides sanctæ Catho-  
licæ Romanæ Ecclesiæ ab aliquo  
Pontifice, Conciliis, aut Episco-  
po Catholico in vlllo articulo,  
qui quidem ad Religionem spe-  
ctet, aliqua ratione mutata sit:  
neq; quisquā eorum afferri pote-  
rit, qui ipsam immutârit; quin  
potius probatur, eandem pror-

*Propositiones Catholicae*

sus fidem à temporibus Apostolorum ad hanc usq; diem integrā, inuiolatamq; perstitisse, atque per successionem continuā, ceu per manus traditam, ad nos peruenisse.

Vnde manifestò colligitur, hāc ipsam esse quam Apostoli docuerunt; eandemq; proinde quā à magistro Christo in eius schola didicerunt.

TERTIA PROPOSITIO.

**O**stendi etiam non potest, aut Cæremonias, aut Sacramenta, aut doctrinam vllam Sanctæ Catholicæ Romanæ Ecclesiæ aliquid continere: quod Scripturæ sacræ repugnet: quin potius Doctores omnes clarè docent, atque demonstrant prædicta hæc omnia apertè cum sacris literis conuenire, cuiusmodi est illud:

Hoc

*Adversus Sectarios*

*Hoc est corpus meum.* Et alia.

Ex quo sequitur, quod Martinistæ, Calvinistæ, alijq; Sectarij à Sancta Catholica Romana Ecclesia immeritò sese & sine ratione seiunxerint. Quod etiam qui ab Ecclesiæ Catholicæ gremio se abducunt, causam nullam adferre possint, cur ad Martinistas, potius quàm ad Calvinistas, Anabaptistas, Puritanos, aut id genus alios hæreticos transeant.

QUARTA PROPOSITIO.

**N**Ec probari poterit in Sancta Ecclesia vllò vnquam tempore admissos fuisse Sacerdotes, qui prius ab Episcopis non essent ritè consecrati.

Vnde rectè inferitur, quosuis ministros Martinistarum, Calvinistarum, & aliorum sectariorum, iuxta antiquam Ecclesiæ



*Propositiones Catholicae*

consuetudinem , non initiatos, à re , & nomine diuini Sacerdotij prorsus alienos esse. Atq; in sua, quam dicunt Cœna , aliud nihil administrare , quam meram panis partem, aliudq; nihil, Proindeq; nec habere potestatem à peccatis absoluendi , sed in iisdem sordibus peccatorum à se dimittere populum, cum quibus accesserat.

*QVINTA PROPOSITIO.*

**I**N vniuersa Sacra scriptura nõ inuenies, aliud nihil esse credendum , quam quod clarè & expressè in ea scriptũ contineatur.

Ex quo consequens est, Fundamentum euerti , quo nituntur Martinistæ , Caluinistæ , alijque Sectarij, dum affirmant ; præter id quod in sacris literis expressè positum inueneris, nihil esse credendum.

*Propositiones Catholicae*

SEXTA PROPOSITIO.

**P**ORRÒ, ad huius confirmatio-  
nem propositionis, petitur vt  
Martinistæ, Calvinistæ, alijque  
Sectarij ostendant, vbinam scri-  
ptum inueniant Euangelium se-  
cundùm Matthæum esse sacram  
scripturam potius quàm Euan-  
gelium secundùm Nicodemum:  
quod cùm facere non possint,  
credant tamen Euangelio secun-  
dum Matthæum tanquam sacræ  
Scripturæ, fateantur necesse est,  
se aliqua credere, quæ sacris lite-  
ris non continentur.

SEPTIMA PROPOSITIO.

**O**Stendi etiam non potest Ca-  
tholicum aliquem virum to-  
tis his mille quingētis annis exti-  
tisse, qui Romanum Pontificem  
Antichristi loco habendum du-  
xerit, aut sacrosanctum Missæ

*Aduersus Sectarios*

sacrificium conuiuiis infecta, us  
fuerit: aut denique inuocationē  
Sanctorum, Suffragia, quæ pro  
defunctis fieri assolent, & similia  
pietatis opera ad fidem, & Reli-  
gionem apertè spectantia, quæ-  
que per mille quingentos annos  
vniuersus orbis laudabiliter co-  
luit, reprehenderit.

Quare Martinistas, Casuini-  
stas, aliosque Sectarios impiè a-  
gere manifestum est, dum ea cri-  
minari non verentur.

OCTAVA PROPOSITIO.

**P**Rimi auctores Iulii Christiana-  
næ tã in Germania inuicere,  
quàm in Hispania, Italia, Fran-  
cia, &c. aliam fidem nec agnoue-  
runt, nec in has regiones induxe-  
runt: Nec maiores nostri aliam  
vel edocuerunt, vel receperunt,  
quam Sanctam Catholicam Ro-  
manam,

*Aduersus Sectarios*

manam quam eandem nos ipsi à parentibus nostris accepimus, acceptamq; hactenus conseruauimus.

Impiè igitur faciunt Martinistæ, Caluinistæ, alijque Sectarij, qui aliam quãdam suam excogitatam opinionem, tanquam certissimam fidei regulam, & purum ac putum Dei verbum populo proponunt, quàm vel vniuersus orbis agnouerit, vel ipsi à Maioribus suis didicerint. Scriptum enim legimus: *Sicut prædiximus, Et nunc iterum dico: Si quis volis euangelizauerit præter id quod accepistis, Anathema sit.* Hoc est; à Deo sit ille maledictus,

CONCLUSIO.

**E**X his Propositionibus clarũ sit, neque Martinistas, neque Caluinistas, neque alios quosuis Secta-

*Propositiones Catholica*

Sectarios hac noua sua opinione aut Deo placere, aut ad æternam beatitudinem pertingere, aut perpetuam damnationem posse euadere: *Nam sine fide impossibile est placere Deo.* Superius autem probatum est, Martinistas, Caluinistas, aliosque Sectarios omnes, nullam habere fidem, sed opinionem duntaxat recens excogitatam, nouumque figmentum, cui si adhærescere pergant, absq; dubio in æternum peribunt.

Proinde cùm & æternitas infinita sit; & pænæ inferni acerbissimæ: sitq; vita præsentis nihil incertiùs, & nihil certiùs morte: salutis vestræ rationem quæso habetote.

**FINIS.**

o-  
r-  
e,  
m  
de  
e-  
r-  
e-  
fi-  
at  
ue  
re  
m  
fi-  
fi-  
n-  
;



Mag. St. Dule.

1763/1764

1764/1765

1765/1766



